

инвазия интенсивлиги ўртacha 5-17 нусхани ташкил этди. Шундай килиб, ўтказган тадқиқотларимиздан кўриниб турибдики, сўнгти йилларда Тошкент вилоятининг турли агробиоцеценозларида кўйларда учрайдиган гельминтозларнинг эпизоотологик хусусиятлари тамоман ўзгарган. Трематодоз ва цестодоз касалликлари хамда нематодозлардан трихоцефалёз эндилликада эпизоотологик жиҳатдан энг юқори ўринни эгаллаган. Улардан барча категориядаги чорвачилик хўжаликлари катта иқтисодий зарар кўрмоқда. Шу тифайли хам сугориладиган агробиоцеценозларда шахсий ёрдамчи дехқон ва фермер хўжаликларида кўйлар бош сонининг кўпайишига таъсир кўрсатиб келмоқда. Шуларни эътиборга олиб, бизлар келгуси тадқиқотларимизни кўйлар trematodozlariiga қарши курашни такомиллаштиришга қаратиб келмоқдамиз. Адабиёт маълумотларидан ва шахсий тадқиқотларимиздан шу нарса равшанки, ушбу касаллик уч оқимда кечади: ўткир, аралаш ва сурункали. Фасциолёнзнинг ўткир оқимли шакли жуда хавфидир, чунки унда жигар тўқималари ва қон томирлари узоқ (икки, уч ой ва ундан хам ортиқ) вакт давомида паразитлик қилувчи ёш фасциолалар томонидан бузилади, жигарда қон кетиши кузатилади. Бундай касалликка қарши даволаш муолажалари ўз вактида ўтказилмаса, кўйлар албатта нобуд бўлади.

**Тадқиқот натижаларига кўра, куйидаги хуносаларга келиш мумкин:**

1. Тошкент вилоятининг тоғолди-тоғ ва сугориладиган агробиоцеценозларида кўйлар орасида учрайдиган гельминтозларнинг эпизоотологик хусусияти маълум биотек ва абиотик омиллар таъсирида ўзгармоқда.

2. Ҳозирги пайтда кўпчилик нематодозларнинг кескин ошиши ва эпизоотологик хусусиятлари ўзгариши кузатилмоқда. Улар орасида трихоцефалёз кенгрок тарқалган.

3. Трематодоз касалликларидан фасциолёз ва дикроцелиоз, цестодоз касалликларидан мониезиоз энг муҳим эпизоотологик аҳамиятга эга.

4. Ларвалли цестодозлар орасида эхинококкоз ва тинуколли цистицеркознинг локалли ўчоқлари мавжуд, ценуроз эса жуда кенг тарқалишга эга.

**Фойдаланилган адабиётлар рўйхати:**

1. Абдулладзе К.И., Демидов Н.В., Непоклонов А.А., Никольский С.Н., Павлова Н.В., Степанов А.В., Паразитология и инвазионные болезни сельско хозяйственных животных.- М.: ВО «Агропромиздат», 1990.-464 б.

2. Иргашев И.Х. Гельминты и гельминтозы каракульских овец.-Ташкент, Фан, 1973. -183 с.

3. Курбанов Ш.Х., Салимов Б.С., Отабоев Х.Э. Қўй ва эч-килар дикроцелиознинг эпизоотологик ҳолати, уни даволаш ва олдини олиш. //Журнал Зооветеринария . –Тошкент, 2009. №10. -6 27-29.

4. Орипов А.О., Салимов Б.С., Джабборов Ш.А., Йўлдошев Н.Э. Чорва молларининг гельминтозларига қарши даволаш-профилактика чора-тадбирлари. Тошкент, 2020 й.-22 б.

5. Салимов Б.С. Эпизоотология фасциолеза и дикроцелиоза овец в условиях предгорно-горной зоны Узбекистана и разработка мер борьбы с ними. //Автореф. дис.канд.биол.наук. Самарканд: СамСХИ. 1965. -18 с.

6. Азимов Д.А. Гельминты овец юга Узбекистана и динамика главнейших гельминтозов // Автореф. дисс. канд. вет. наук.-М: 1963.-19 б.

**UDK: 636.31.**

**G‘.G‘.Jabborov, mustaqil izlanuvchi,**

**M.I.Xushnazarova, talaba,**

*Samarqand veterinariya meditsinasi instituti*

## QO‘YLARNI EKTOPARAZITLARDAN ASRAYLIK

### **Аннотация**

В данной статье приведены сведения, основанные на анализе литературы по эктопаразитам, что частично сдерживает развитие овцеводства, одной из ведущих отраслей животноводства в стране.

**Kalit so‘zlar:** qo‘y, ektoparazit, bovikolyoz, linognatoz, psoroptoz, sarkoptoz, alveonasoz, estroz, melaftagoz, Sipermetrin, Siperfos, Sumi-alfa, benzofosfat, karbofos, kinmiks, uzfen, siraks.

**Kirish.** Respublikamizda chorva hayvonlarining ektoparazitlar bilan zararlanishini kamaytirish, ularni davolash, oldini olish va qarshi kurashishga qaratilgan keng qamrovli chora-tadbirlar amalga oshirilmogda. Ushbu zararkunandalarini chorva mollarining tanasida ektoparazitlik qilishi hamda turli xildagi yuqumli va invazion kasalliklar zararlanishi oqibatida yirik va mayda shoxli hayvonlarning rivojlanishdan orqada qolishi, mahsulorligining keskin kamayishi va og‘ir kasallanish natijasida

majburan so‘yilishi va nobud bo‘lish holatlarining oldi olinmoqda.

Mamlakatimizda qorako‘l zotli qo‘ylar bosh soni va qorako‘lchilik mahsuloti va xomashyolari ishlab chiqarish hajmlarini yanada oshirish, naslchilik ishlarini ilmiy asosda takomillashtirish, qorako‘lchilik mahsulotlari va xom ashylolarni chuqur qayta ishlash ushbu soha mutaxassislarining asosiy maqsadi hisoblanadi. Qo‘ychilik serdaromad sohalardan biri bo‘lib, sohani yanada rivojlantirish, qo‘ylar bosh sonini

ko‘paytirish, naslini yaxshilash va mahsuldorligini oshirishga bir qator salbiy etiologik omillar ta’sir qiladi. Jumladan, qo‘ylarni ektoparazitlar bilan zararlanishi oqibatida ularning go‘sht va jun mahsuldorligi 10-30 % kamayib ketishi hamda ikkilamchi infeksiya va invaziyalarning rivojlanishiga sharoit yaratilishi mumkin.

**Adabiyotlar tahlili:** S.I.Mavlonov va hamkor soha olimlarining bergen ma’lumotlariga ko‘ra qo‘ylarning ektoparazitlar bilan zararlanish darajasi eng yuqori cho‘qqiga chiqishi qish va bahor oylarida kuzatilsa, yoz-kuz mavsumlarida zararlanish darajasining kamayishi qayd etiladi. Qish davrida hayvonlarning ektoparazitlar bilan zararlanish ekstensivligi 45-65 %ni, o‘rtacha zararlanish intensivligi 15-40 nusxa ektoparazitni tashkil etadi. Bahor oylarida hayvonlarning zararlanish ekstensivligi 85-100 %ni, zararlanish intensivligi 55-70 nusxa ektoparazitni, yoz oylarida qo‘ylarning zararlanish ekstensivligi 15-25 %ni, zararlanish intensivligi 15-20 nusxa ektoparazitni, kuz oylarida qo‘ylarning zararlanishi ekstensivligi 25-35 %ni, zararlanish intensivligi esa 5-10 nusxa ektoparazitni ko‘rsatadi [1.7.8].

Ektoparazitlarning ekstensivligi va intensivligi fasllarga, iqlim va xo‘jalikning sanitariya sharoitlariga, chorvachilikni olib borish tuzilmalariga va boshqa ko‘plab ekologik omillarga binoan har xil tarzda kechadi [13].

**Kasallik qo‘zg‘atuvchilarining tasnifi (sistematikasi).** Veterinariya araxnologiyasi *Arthropoda* tipi *Arachnoidae* sinfi va ikkita turkumga kiruvchi *Parasitiformes* (kasallik qo‘zg‘atuvchilarini tashuvchi kanalarni) va *Acariformes* (Kasallik qo‘zg‘atuvchi kanalarni) o‘rganadi. Kanalarning tanasi bir-biriga qo‘shilib ketganligiga qaramay, ular bosh, ko‘krak va qorin qismalarga bo‘lingan. Jinsiy yetuk kanalarning to‘rt juft, lichinkalarining esa uch juft oyog‘i bo‘ladi. *Parasitiform* kanalar tanasining oldi va orqa qismini ajratib turuvchi chegarasi bo‘lmaydi. *Parasitoformes* turkumi ikkita *Ixodidea* va *Gamasoidea* kenja turkumiga bo‘linadi. *Ixodidea* katta oilasi ikkita *Ixodidea* va *Argasidae* oilani o‘z ichiga oladi. *Gamasoidea* katta oilasi juda ko‘p miqdordagi oilalarni o‘z ichiga oladi, lekin *Dermanyssidae* oilasi veterinariyada katta ahamiyatga ega[4,10].

**Kanalarning biologik rivojlanishi.** Kanalar ayrim jinsli, tuxum qo‘yib rivojlanib, ko‘payadi. Bitta urg‘ochi kana umri davomida 3-4 mingdan to 10-15 mingtagacha tuxum qo‘yadi. Tuxumlari juda mayda, ovalsimon shaklda sariq tusda bo‘ladi. Urug‘langan urg‘ochi kana hayvon (xo‘jayin) qonini so‘rib to‘ygandan so‘ng yerga tushadi va tuxum qo‘ya boshlaydi, hamma tuxumlarini qo‘yib bo‘lgach esa nobud bo‘ladi. Tuxumlaridan lichinka chiqadi, tulab nimfaga aylanadi, u esa yana tulab jinsiy voyaga yetgan shaklli – imagoga aylanadi. Lichinkalarining embrional rivojlanish davri bir oy va undan ham ko‘proq davom etib, nimfa va imagoga aylanishi bir necha kundan bir oygacha davom etadi. Hayvon qoni ni so‘rish davri kanalarning rivojlanishiga qarab (lichinka-

lari 3-7 kun, nimfalar 3-10 kun, imagosi 8-10 kun) 3-10 kun davom etadi[6.9].

**Kanalarning anatomo-morfologik tuzilishi.** Tanasi oval yoki elipssimon shaklda bo‘lib, bo‘g‘inlarga bo‘linman. Yaylov kanalarining uzunligi va rangi ularning och-to‘qligiga bog‘liq bo‘lib, och kanalar yassi va uzunchoq bo‘ladi. Qon so‘rib to‘ygan kanalarning tanasi xuddi tuxum shaklida bo‘lib, uzunligi 1,5 sm och kanalarniki esa 2-7 mm gacha bo‘lishi mumkin. Och kanalar och sariq, sariqroq-qo‘ng‘ir, qoramtil, hatto qora tusda, yani ularning och-to‘qligiga va ozuqaning xarakteriga bog‘liq. Kartumlarida kana tanasining dorsal qismi yaxshi ko‘rinadi, u og‘iz apparati va fiksatsiya organi vazifasini bajaradi. U ikkita yuqori jag‘ yoki xelitsera, pastki jag‘ gipostom, to‘rt yoki olti burchakli xartum asosi va paypastlagichlaridan iborat[3,12].

B.Sayidqulov va boshqa olimlarning ta’kidlashicha, O‘zbekiston hududida uy hayvonlari va parrandalarda kanalarning 24 turi parazitlik qiladi. Agar bularga yovvoyi hayvonlarda parazitlik qiladigan kanalar ham qo‘shilsa, ularning turi 29 taga yetadi.

**Kanalarga qarshi qo‘llaniladigan insektokarisid preparatlar.** Parazitlarga qarshi kurashda kimyoviy proflaktika ham muhim ahamiyatga ega. Iksod kanalariga qarshi olimlarimiz tomonidan juda ko‘p kimyoviy preparatlar ishlab chiqilib, amaliyotga tatbiq etilgan. Shular ichida nisbatan kam zaharli kimyoviy insektisid preparatlar quyidagi guruhlarga ajratilgan.

**Karbamat insektisidlar:** Diazinon (Neotsidol)

**Piretroid insektisidlar:** Sipermetrin; Siperfos; Sumi-alfa; Uzfen; Talstar; Kinmiks va h.k. Ma’lumki, bir xil kimyoviy birikmalardan tashkil topgan insektisid va akarisid preparatlarni bir necha yillar davomida qo‘llanganda, kanalarda ularga nisbatan kuchli moslashuvchanlik (chidamlilik) paydo bo‘ladi va preparat ularga samarali ta’sir qilmaydi. Bunday holatning oldini olish yoki ta’sir samarasini saqlash uchun quyidagi tartibda preparatlarni qo‘llash tavsija etiladi: 1. Preparatlar assortimentini ko‘paytirib, ularni almashtirib qo‘llash. 2. Preparatlarning bir necha xil aralashmasini yoki binar preparatlarni qo‘llash. Misol uchun siperfos 5% sipermetrin + 50% xlorpirifos kabi ikki xil kimyoviy guruh preparatlar aralashmasidan tashkil topgan. O‘zimizning Navoiy «Elektrokimyo» zavodi juda ko‘p, turli xildagi insektisid va akarasiid preparatlarni ishlab chiqaradi. Masalan, Sipermetrin, Siperfos, Sumi-alfa, benzofosfat, karbofos, kinmiks, talstar, uzfen, siraks va yana juda ko‘p xil turlari mavjud. Ushbu preparatlar chet eldan keltiriladigan preparatlarga nisbatan 2-3 baravar arzon va ta’siri jihatidan ulardan samaraliqdir. Jadvallarda hayvon va parrandalarni, hamda molxona, qo‘ton va parrandaxonalarni kanalarga qarshi ishlov berish, qo‘llaniladigan preparatlar, ularning konsentratsiyasi va dozasi, ishlov berish usuli, mavsumi va intervali haqida ma’lumotlar keltirilgan. Qoramollar, qo‘ylar va parrandalarning ektoparazitlariga (iksod, argas, kanalari, bit, qichima

**Kanalarga qarshi insektoakarisid preparatlarning qo'llanilishi**

Hayvon yoki ob'ekt turi	Parazit turi	Preparat konsentratsiyasi (ta'sir etuvchi moddaga nisbatan % his)	Preparatning suv bilan aralashmasi nisbati	1 (bosqga dozasi (litr)	Ishlov berish usuli	Takroriyligi (marta)	Ishlov berish oraliq'i (kun)	Ishlovdan keyin hayvoni so'yish (kun)
<b>Sipermetrin 25%-li kontsentrat emulsiya</b>								
Qo'y, echki	Iksod kanalari	0,025	1:1000	1,0-2,0	Vannada cho'miltirish yoki purkash	5-10	10	10
Qo'y, echki	Qichima-qo'tir kanalari	0,05	2:1000	1,0-2,0	Vannada cho'miltirish yoki purkash	2	7-10	15
Molxona, qo'ton va tovuqhona-lar	Iksod, agras, gamaz, gang, qichima-qo'tir kanalari	0,1	4:1000	0,2m-l <sup>2</sup>	Purkash	1 yilda 2 marta	-	-
<b>Siperfos – 55% li kontsentrat emulsiya</b>								
Qo'y, echki	Iksod kanalari	0,055	1:1000	1,0-2,0	Vannada cho'miltirish yoki purkash	5-10	10	10
	Qichima-qo'tir kanalari	0,011	2:1000	1,0-2,0	Vannada cho'miltirish yoki purkash	2	7-10	15
Molxona, qo'ton va tovuqxonalar	Iksod, agras, gamaz, gang, qichima-qo'tir kanalari	0,22	4:1000	1 metr <sup>2</sup> maydonga 200 ml	Purkash	1 yilda 2-4 marta	Aprel, may, sentabr, oktabr	-
<b>Uzfen 20%li kontsentrat emulsiya</b>								
Molxona, qo'tonlar, tovuqxonalar	Iksod, agras, gamaz, gang va qichima-qo'tir kanalari	0,08	4:1000	1 metr <sup>2</sup> maydonga 200 ml	Purkash	1 yilda 4-2 marta	Aprel, may, sentabr, oktabr	-

kanalari – psoroptoz, sarkoptoz va h.k.), teri, jun, qorako'l teri saqlanadigan omborxonalarda kuya va terixo'r larga qarshi insektoakarisid preparatlarni qo'llash usuli jadvali[2].

Qo'ychilikni yuritishning turli mulk shakllarida keyingi yillarda qo'ylarni parazitar kasalliklar va ektoparazitlar bilan zararlanish darajasi turlicha kechmoqda. Jumladan, bovi-kolyoz, linognatoz, psoroptoz, sarkoptoz, alveonasoz, estroz, melafagoz kasalliklari qo'y va qo'zilarning o'sish va rivojlanishiga, go'sht mahsuldorligi, qo'zi olish, teri va jun berishning kamayishiga sabab bo'lmoqda[11].

**Xulosalar.** Shuni alohida takidlash joizki, ektoparazitlarga qarshi kurash doimiy va aniq reja asosida, to'la hajmda amalgga oshirilishi lozim. Chora-tadbirlar har bir geografik-iqlim mintaqqa, alohida va o'ziga xos relf, ob-havo, suv bilan ta'minlanish, o'simliklar faunasi, yer (tuproq) ning sho'rланganlik darajasi va boshqa xususiyatlarini hisobga olgan holda ishlab chiqilgan chora-tadbirlar rejasida amalgga oshirilgandagina invaziyaning oldini olish mumkin. Bugungi kunda iqtisodiy zarar yetkazadigan turli yuqumli, yuqumsiz kasalliklar, ektoparazitlarga qarshi kurashda fan va ilg'or texnologiyalardan foydalanish maqsadga muvofiqdir. Jumladan, qo'ylarning asosiy ektoparazitlarini aniqlash, ularga qarshi chora-tadbirlar rejalarini asosida davolash-profilaktika chora-tadbirlarini o'z vaqtida va sifatlari o'tkazish, bu tadbirdurni amalga oshirishda guruhli dezakarizatsiya usullaridan, keng va samarali foydalanish zarur.

Tadqiqotchilarning ma'lumotlariga asoslanib, bugungi kunda qo'ychilik tarmog'iga sezilarli iqtisodiy zarar keltirayotgan ektoparazitlara qarshi kurashish va oldini olish-

da salmoqli ishlar amalga oshirilgan. Ammo parazitlarning biologik xususiyatlari, iqlim zonalarining jadallik bilan o'zgarib borayotganini hisobga olib, zaxarlilik darajasi past, samaradorligi yuqori bo'lgan ensiktoakarisid preparatlarni qo'llash bugungi kunning dolzarb vazifalaridan biri bo'lib qolmoqda.

**Foydalanilgan adabiyotlar ro'yxati:**

1. A.U.Mirzayeva // Janubiy O'zbekiston sharoitida argasidae kanalari parazitar tizimining shakllanish xususiyatlari. Dissertasiya avtoreferati. Toshkent – 2018
2. B.Sayidqulov va boshqalar / veterinariya mutaxassislar uchun qisqacha ma'lumotnoma. Toshkent 2015-y 241-248 b.
3. Б.М.Багамаев, А.А.Водянов, В.А.Оробец / Профилактика и меры борьбы с псороптозом овец. Рекомендации для практических врачей и работников овцеводства. – Ставрополь: Респект, 2010. – 48 с.
4. Б.М.Багамаев, Ф.И.Василевич, А.А.Водянов, В.М.Оробец / Саркопто-дозы. – Ставрополь: Респект, 2010. – 64 с.
5. D.T.Isakova, e.B.SHakarboev. // Parazitologiya. Toshkent-2004. 159-164 b.)
6. S. Dadayev / Parzitologiya. Toshkent – 2004. 109-112 b.
7. S.I.Mavlonov va boshqalar. // Qo'ylar ektoparazitlari. Veterinariya meditsinası jurnalı 2021-y. №1. 22-24 b.
8. S.I.Mavlonov // Qishloq xo'jaligi hayvonlarini ektoparazitlardan himoya qilishning yangi usullarini yaratish. Dissertasiya. Samarcand – 2016
9. P.S.Haqberdiev, SH.X.Qurbanov / Parazitologiya fanidan amaliy laboratoriya mashg'ulotlari. Toshkent. 2015-y. 166-171 b.
10. T.Abdurahmonov va boshqalar / Veterinariya parazitologiyasi. Toshkent-2005-y. 176-177 b.